

26/05-2026

Naleraq

UPA2026/112

Isak Johannessen

**Kalaallit Nunaanni mittarfinnut nunanut tamalaanut atorneqartunut tamanut kalaallit erfalasuata qaqinneqartarnissaa qulakkeerneqassasoq pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Lars Poulsen, Siumut)

**Naleqqamiit siunnersuutip aappassaaneerneqarnerani imannak oqaaseqarfigissuarput.**

Naleqqamiit siunnersuummut tapersiivugut.

Nunatsinniit avammut nunanut allanut, mittarfiit, nunanullu allanut attaveqaatit umiarsualivimmiuppata, kalaallit erfalasanik ersersitsinerulernissaat pillugu.

Siunnersuutip nunatsinni kinaassutsip, nunallu namminersortutut isikkoqarnissarput nukittorsarpaa, minnerunngitsumillu aamma nunatsinnut tikeraartunut ersarissumik takutitsilluni Kalaallit Nunaat tassaasoq inuiaqatigiit nammineq erfasullit, nammineq oqaasillit, nammineq kultoorillit, nunattalu nammineq ilisarnaatit pigisarput erfalasutta, ersarissumik tikikkaanni takuneqarsinnaanissaa taperserparput.

Naleqqamiit ersarissumik oqaatigissavarput kalaaliunerput tulluusimaarutigigatsigu.

Nunarsuaq inuuffigisarput imaannaangittoq inuiaat allat pilerigiuarsimasaat, kisiannili qangarsuaaniit inuuffigisinnaasimangisaat.

Uagut siulitta inuuniarfik imaannaangeqisoq inuuffigalugu ingerlasimammata maannalu aamma tamassuma kusanartumik ingerlanissaa.

Uagut assatsinniimmat taamaattumik, Naleqqamiit Kalaaliunerput tulluusimaarutigaarput, erfalasarput tulluusimaarutigaarput, oqaatsigut kultur-erput,

Piniartarnigut tapersersorlugillu tamaasa.

Aamma una aaliagiiffissaq nalornissuteqarata tapersersorparput.

Kalaallinut aammattaq Naleqqamut tamanna pingaaruteqarpoq.

Uani erseqqissassavara Erfalakup amuneqarnissaa kisimi pineqanngimmat,



kisiannili Kalaallit Nunaata takuneqarnissaa ataqqineqarnissaalu aamma pineqarmat.

Taamaammat naalagaaffiup Erfalatorput ataqqissagaa kissaatigaarput. Erfalassutta ilusaa allanngortinneqartaarnani ataqqineqarnissaa, assersuutigalugu akerliussutsimik takutitsinermi Inuit Ataatigiit Erfalatorput allatut isikkulerlugu 'Fuck you-liaralugu' nuisinneqarnera, erfalassumik ataqqinninnginneruvoq.

Tamanna Naleqqamiit akuerinngilarput.

Nunatsinni kalaallit ilisarnaataat takussaanagerusariaqarput aammalu pisortatigoortumik pingaarnertinneqartariaqarlutik.

Naleqqamiit isumaqarpugut suliaq pingaaruteqartoq kinaassuserput oqaatsigut ilisarnaatillu kisiisa pillugit nuisalaassanngittugut ingerlariaqqissasugulli.

Nunatta nammineersinnaanerulernissaa, oqaatsivut kulturikkullu tunngavitta nukittorsarnissaat kiisalu sinerik tamakkerlugu ineriartortitsineq piorsartariaqaripput.

Siunnersuut taamaalilluni Naleqqap anguniagaanut naapertuuttoq tassaavoq Kalaallit Nunaat imminut aallaavigaluni siuarsarneqarlunilu aqunneqarnissaa, Kalaallillu kinaassusaat aallaavigalugu nunatta siuarsarneqarnissaa aqutissiutissagipput.

Qujanaq Siunnersuuteqartumut,

Pissusissamisorpoq taamak periuseqalernissaq.

Taamak Naleraq sinnerlugu oqaaseqarlunga,

Qujanaq.